

四庫全書

集部

欽定四庫全書

丹淵集卷六

宋 文同 撰

詩四十首

和仲蒙石龍渦

羣岡壓涇湄於此聚衆首其間石屋露遠視若呀口林
端躡絙上却入勢愈斗圍空豎古壁闊可百人受洪鐘
誰倒仰巨甕忽側剖層岩寒泉飛絕巘怪樹走陰風喜
復怒野霧吞且嘔晴嵐逼衣襟欲住不得久嘗聞耕者

說自昔藏蚰蟻當年救旱事有記刻不朽近歲靈恐歇
百禱無一偶至今閭里人不復來奠酒

和仲蒙山城

大厯年忠武居幽捍逆氏平民營板堵斷賊閉遠蹊
連櫓橫朱鳥飛墻切紫霓縈紆圍絕巘靡迤附深谿外
濬池隍險旁聯堡障低輶輜防藺石埤堦礙雲梯樹杪
鳴巡鐸崖端響守輦石頭何培塿龍首太醯雞歲久蒼
苔上時平白草齊全秦襟帶地惟此壯山西

和子山春日雨中書事見寄

二首

苑苑冥冥雨氣沉一春長是詠春陰
鶯歸盡棟簾櫳靜
鶯下雕欄院宇深
鬬草玉釵應復約
看花金勒悞重尋
謝郎風調將誰奈
獨倚書床擁鼻吟

其二

青春已破六十日
正好共攜歌管遊
鶯花有意欲惱亂
風雨何事相淹留
南園綠棚映綠樹
西湖畫舫臨清流
幾時雲陰得斂霽
願把一罇相獻酬

馬子山為余與賀順之書記李仲蒙察推同年
同幕作題名記復有詩督程適之書石余因和

兼謝

太常舊得同科第幕府今還次姓名作記馬周文已贍
書丹程邈隸尤精定知二美能傳久從此三家覺轉榮
每對雄詞觀健筆自慙孤迹附羣英

官舍春日書懷

二首

自趨戎幙佐鞬櫜四見新陰發舊柯學飲不成歡意少

好吟無倦苦心多舞傷池柳風圖甚泣破庭蘭雨奈何
敢對青春歎留滯且須開口更狂歌

其二

琵琶泉水碧溶溶又見春歸玉柱峯歡緒已闌羞老大
交期將近懶遊從杏開暖萼融紅螭柳放晴花拆白茸
賦得上林佳景盡不知誰為薦臨邛

登邠州城樓

試此望搖落秋襟成惘然客懷傷薄莫節物感窮邊斷

燒侵高壘微陽入晚川年來舊山意常與鴈翩翩

秋盡日陪諸友登白佛閣

危刹隱高阜孤軒橫碧虛登臨賞秋杪笑傲樂公餘野
外景入畫坐中歡可書重城已嚴鑰歸馬尚踟躕

極寒

燈火宜冬杪圖書稱夜長簾鉤挂新月窻紙漏飛霜酒
醴慙孤宦皮毛逐異鄉誰知舊山下梅艷滿東牆

謝惠橘

絳葉隱朱實纍纍
楚江蒞寒香摘清
露奔走寄迢遞琳
腴滿金殼咀嚼想
佳惠君未致此時
風已吹削肺

登山城書事

節物感羈旅連空
生塞陰亂鴻寒渚
遠羣雀晚叢深霜
重涇灘出烟高隴
樹沉歲華徒自老
幽憤滿登臨

送夏殿直

時壻於李
璋太尉

霜樹東門曉清寒
滿客衣一樽從此
別百兩幾時歸漆
水魚初薦梁園雪
正飛高堂今遠郡
須念報春暉

送錢規判官歸蜀覲親遂之岳陽

嚴風吹玉柱有客動歸裝
古道轉危阪全家行曉霜
休嗟遊薄宦且喜拜高堂
會合知何所春江泛楚艎

和梨花

素質靜相依清香暖更飛
笑從風外歇啼向雨中歸
江令歌瓊樹甄妃夢玉衣
畫堂明月地常此惜芳菲

山櫻

巖壁自叢叢年華寂寞中
偶因移曉雨似欲占春風
嫩

葉藏輕綠繁葩露淺紅孤根知幸否從此對雕櫳

秋子

裊裊復翻翻封條壓樹繁羣芳非姊妹亂實見兒孫蔭
日臨虛檻披風拂短垣主人無奈爾常為醉幽軒

桃花

種近短牆邊開臨小檻前倚風無限意笑日有餘妍枝
軟圍深密苞穠墮碎圓祇應芳樹下時見武陵仙

杏花

仙杏一番新妖嬈洗露晨待粧憂粉重欲點要酥勻月
淡斜分影池清倒寫真君須憐舊物曾伴曲江春

秋日寄呂永壽微中

落日照容谷寥然官署秋開簾臨絕巘凭几對寒流古
意深中得詩情靜外遊三年多少景滿篋是冥搜

吟春

春工運潜巧是處有行迹庭梢發新穎巖溜融暖脉晴
湖影撥刺曉樹音格磔須知玉峯下日有尋芳客

琵琶泉

險道入幽邃深溪轉岑寂蒼烟鬱孤岩秀石圍斷壁古
蘚甃碧潤寒泉灑清滴誰能厭塵襟茲可供洗滌

和子山種花

五首

風流從事李長家遶徧官居種盡花應為清才無比敵
擬將文彩競春華

其二

碾薄搓圓粉色勻一枝寒艷惱青春曉來帶雨西廂下

恰似蓬萊見太真

其三

曾宴瓊林爛漫紅寶津樹下看春風今朝忽向君家見
猶憶當年醉眼中

其四

幾樹山櫻曲檻前花開如火葉如烟待將短句誇形似
已被休文道欲燃

其五

新自涇州趁雨移，便開繁萼擁芳枝。
紅霞照地清香起，似到玄都觀裏時。

和張屯田雪中朝拜天慶觀

二首

簌簌遙空墮碎瓊，一街寒色曉風清。
題輿想入簫臺下，似駕颼輪向玉京。

其二

寶幢珠節共玲瓏，九虎嚴關有路通。
遙望玉宸端象簡，宛然身在廣寒宮。

送酒與呂令答所示詩

二首

君無彭澤五十畝我有謫仙三百盃
聞道山中足春意
滿壺聊為撥新醅

其二

見說西溪裏羣花艷正繁
不知紅影下誰共醉芳樽

初雪

一色陰雲蔽曉空
粉英瓊屑亂茸茸
不知遊騎將何處
已失南城玉柱峯

對雪獨酌

雲陰低重玉花繁
獨擁貂裘對一樽
不語佳賓是何物
古書名畫滿西軒

槐莊渡口

雲烟飄泊樹微茫
一岸人家帶夕陽
欲上高原便回首
可憐風物似吾鄉

約春

去歲相逢恨已賒
今年相遇喜無涯
紅情綠意知多少

盡入涇川萬樹花

卷六

和子山陪使君遊西湖三絕正月晦日

柳色遶堤金粉明湖光浮岸玉烟輕風柔日薄恰新霽
正好訪春來此行

其二

遊騎翩翩從使君娛賓亭上宴西曛座中不用頻辭酒
明日青春已一分

其三

滿眼垂楊照綠波就中春意此先多
不將歌管酬佳景
擬奈翠漪堂上何

探春

幽郊寒重勒春遲消息如今尚未知
只是垂楊最先得
每朝來覓向東枝

春寒

東風何事力猶微凜凜邊寒犯客衣
舊雪未消新雪下
南園春色幾時歸

丹淵集卷六

欽定四庫全書

丹淵集卷七

宋 文同 撰

詩四十首

新秋讀書

高風發遠籟轉響為清商
隆曦減炎威未晚先自涼
庭前碧桐樹昨日聞早霜
朝來逐葉上已暈一拂黃
壯歲覺時節燿若翻電光
自顧勿嗟惋徒然攪中腸
官居幸少事署案日幾行
公退清且閒垂簾坐虛堂
解帶輒傲

元左右羅縑紉所務唯討論一燈從夜長

貧士行

側身入窮閭跼影守環堵日高齒未嚼風勁肝猶露胡
為迫凍餓此道吾所素出每駕雞棲歸仍伏龍具原生
本非病董子蓋不遇誰將斗升水活此轍中鮒不見裹
糧人欲死者亦屢徒自諷詩書區區立名譽

馮氏道中早行

畏暑事晨役高原動征羈遙遙歷廣博浩浩長風吹踈

星才出沒河漢西南垂林端啓明上飛光發丹曦熒熒
洒晴露百物含華滋爽氣入肝膈宿濁無一絲寒泉漱
清甘洗滌俗慮遺還憂火輪怒萬里燒雲達

宿李同年蔭碧亭

時自長安
慮囚屬疾

抱病出煩闕投此青林間高軒得清涼坐致精爽還主
人止之宿借與終南山中宵皓月起繞枕皆孱顏望久
氣自清心胃無結頑平明又西走勝軌不可攀

李生畫鶴

昂昂青田姿杳杳在輕素一身萬里意雙目九霄顧
鈔羽翮利竦骨節露君初本誰學我恐必神悟得於
想像外看
在絕筆處
櫻筍如復生相與較獨步

幽州

昔年戎馬盡南幽今日風光已太文雅吹夜喧金府月
靚粧春艷玉峯雲泉亭柳色濃將滴水寨荷香遠更薰
邏候不驚烽燧息高原閒獵舊將軍

寄友人

惟秦抵於蜀間可歷萬巖遙懷嚮英義潛想一夕馳乏
人探道與求合常苦奇音見謂可招納欲與相埒簞夫
何屢乖絕出處各一涯秋風動孤況回首勞所思

和仲蒙夜坐

宿鳥驚飛斷鴈號獨凭幽几靜塵勞風鳴北戶霜威重
雲壓南山雪意高少睡始知茶効力大寒須遣酒爭豪
硯冰已合燈花老猶對羣書擁敝袍

明教院

在涇北
賀貴谷

野徑欹危入谷斜，曲崗回嶺共交加。經年不到為隔水，
此日獨遊因看花。兩岸烟雲閒景物，一軒泉石靜生涯。
自憐冠珮嬰身者，直入樊籠老歲華。

和仲蒙夏日即事

簿領初休几案清，西軒移枕臥前楹。香從菡萏紅苞發，
粉入篴簫翠節生。去聲不分便衰聞蟻鬪，可嗟俱妄見蝸
爭。日長景靜官曹冷，莫厭頻來對一枰。

西軒秋日

官舍蕭然似隱居一軒秋色伴恬如
深藏宿雨樹木暗
高灑夕陽籬落踈景物靜思臨水石
光陰閒覺入圖書
此心只有雲相信長伴吟魂遶太虛

和張屯田秋晚靈峯東閣閒望

直欄橫絕紫微陰
凭久秋光照客襟
一道山川寒色遠
萬家烟火夕陽深
涇灘水落羣鷗集
秦嶺雲高斷雁沉
此興浩然須把酒
可憐難醉異鄉心

春庭

春院陰陰翠靄低，春庭寂寂曉光迷。
花間蜂去抱黃粉，苔上鶯來銜綠泥。
兩行高梧初蔭合，一番新草恰生齊。
微禽已識幽人意，飛下欄干向裏啼。

過永壽縣

驅馬上危坂，暮鞭搖客愁。
峯巒驚滿目，咫尺擬回頭。
紅樹擁野店，白雲藏縣樓。
須知此北下，地底見幽州。

杜老有幽

郊入地底之句

東谷偶成

府事幸稀簡常為東谷遊舊山茲髣髴佳景每遲留斷
續溪雲起縱橫野水流拂衣知未得聊此慰鄉愁

宜祿昭仁寺後軒

危欄憑絕壑欲奈此時何但有夕陽處就中秋色多與
誰同徙倚空自發吟哦便覺成羈旅歸心逐鴈過

過高塘城

頽壁乍高低中間已亂蹊長原想鵝鵲大塚記鯨鯢黯
澹寒雲結蕭疎野草齊興亡盡遺迹立馬看扶犁

夏日翠漪堂

湖水碧溶溶寒漪四望通
龜魚遊浩渺鳬鶩下虛空
爽氣吟窻外清光釣艇中
一襟時自快多謝北軒風

玉峯園經春不得一過因成詩呈同官約遊

春來少嬉遊俗事日相耗
南園只城外累月不一到
花香雨後歇樹色風中老
惟有崑下泉猶能滌幽抱

送張競無悔秘校赴調

無悔富道誼卷藏無所施
端笏拜上官十年走堦墀
人

皆為嗟惋君獨安且怡又執考書去當衡誰與知

六月十日中午伏玉峯園避暑值雨

南園避中伏意適晚忘歸牆外谷雲起簷前山雨飛興
餘思秉燭坐久欲添衣為愛東崑下泉聲通翠微

咸陽道上晚晴有作

積靄晚盡散南山明夕陽秋容徧豐鎬古恨入隋唐
草木咸搖落風烟自渺茫客亭須下馬把酒慰殊鄉

歲晚登清素院北閣

雲端訪古寺樹杪臨危閣風厲懾草木霜乾喜鵬鶚天
時既悽慘人意亦寂寞回念故山遠心隨日西落

炭泉險道

一澗呀然截亂峯更於何處問途窮高深出井又入井
曲直上弓還下弓絕底乍臨渾偈仄危顛纔徹似飛沖
我來行縣須經此正在炎炎三伏中

玉峯園避暑

伏日當飲酒南城會羣賢開樽蔭碧樹移席臨清泉浩

意脫塵土高懷軼雲烟早歸休信俗須待月娟娟

早起覽物成詠

移枕出幽幌披衣步前楹秋容草木靜曉氣烟雲輕
噪宿露滴鴈飛朝霞明塵心幸未動聊此納餘清

寄馮永州

山水永最善守居間更優烟雲萬石古風月九岩秋
几案少俗事壺觴多雅遊無因陪後乘幽意滿湘流

暑夕待月庭下夜深方歸

畫蠅方少夜蚊多
搔脫霜紈奈熱何
獨向中庭待明月
一身清露瀉金波

中伏日諸君會玉峯余以病不預作詩寄呈

去年中伏在南園
同聽清泉引綠樽
今日諸君又高會
獨嗟移疾臥西軒

興平原上赤熱因寄永壽同年

日午終南翠色燃
滿襟飛土下秦川
是時獨想君高尚
正在山亭弄野泉

亭口

林下翩翩鴈影斜
滿川紅葉映人家
岩頭孤寺見橫閣
有客獨來登暮霞

淺水原

鶉觚西北地鱗鱗
此處當年起戰塵
見說如今溝壑下
斷鋒殘鏃屬耕民

興平原上

東西車馬走秦川
擾擾飛塵混曉烟
我亦中間遊宦者

尚慚無語賦歸田

西湖荷花

紅苞綠葉共低昂
滿眼寒波映碧光
應是西風拘管得
是人須與一襟香

石龍渦

嶮勢圍空斷壁圓
四時常見聚雲烟
為霖救旱今何在

徒有遺文記昔年

有李懷又記備述
禱雨有驗之事

水蒨

紅芳宵露清翠節曉霜犯雨後曬殘日秋容滿庭檻

黃蜀葵

錦江何日別漆水今朝見清露染顏色秋鵝一分淺

千葉鼓子花

柔條長百尺秀萼苞千葉不惜作高架為君相引接

鄴上懷古

未曉南山去從禽夜不歸凡行多少地十二所更衣

石竹

蜂齧紅藥爛蟲啼碧叢短秋風畧地起惟有蒼苔管

丹淵集卷七

欽定四庫全書

丹淵集卷八

宋 文同 撰

詩五十一首

邛州東園晚興

公休時得岸輕紗
門外誰知吏隱家
聞鴨整羣翻荇葉
乳鳥無數墮松花
攜琴秀野彈流水
設席芳洲詠落霞
向晚雙親共諸子
相將來此樂無涯

秀野芳洲
二亭名

雨過側調

陰車飛空載急雨雨過林塘若新換
檉花浮波魚誤食
松子落屋烏驚彈白雲挂樹久不起
青煙泊草殊未散
東園傲吏愛高竹把卷倚風頭髮亂

題象耳山寺

轉谷縈巖路始窮隔林遙望一門通
溪山俱在見聞外
臺殿盡藏懷抱中像閣果愚明海日
經幢瓔珞撼天風
勞生又逐輕舠去珍重高僧解苦空

題晉原舒太博清谿閣

危閣飛空羽翼開
下蟠波面影徘徊
光搖畫板月深淺
聲遶曲欄風往來
暝色四郊煙莽蒼
曉雲千嶂雪崔嵬
主人好事民無訟
日夕登遊對酒杯

縣樓獨酌

向晚無公事
身如太古閒
縣樓明夕照
罇酒對南山
放意利名外
遊心天地間
生來不能飲
到此學酡顏

殘秋郊外

蕭蕭風色弄寒威
見盡郊原向晚暉
昨夜星霜和月落

金
卷八
蒲林紅葉隔煙飛已嗟北渚蓮初老更惜東籬菊漸稀
休感歲華傷節物眼前罇酒重相違

郊外

城市壓塵土高原聊振衣晚雲多淺碧秋樹半深緋江
氣雜輕靄山光明落暉因成求好景更就野橋歸

靜林詩僧已老

七十吟中老清風滿舊林倚筇秋岸遠圍衲夜房深未
得雲空在將成月已沉生平苦如此誰是識師心

高堂山兜率寺

孤絕不可狀此山餘舊聞因官多暇日與客到深雲門
外一塵斷座中千里分勞生當自去繚繞下西曛

閒居院上方晚景

繞岩縈谷到禪扃更上危顛最上亭風攪亂鷗盤古木
雨催羣鷺下寒汀秋田溝壟如碁局晚岫峰巒若畫屏
詩已就成終夕去遠村燈火一星星

李道士惠琴軒集 二首

驅役精魂入大幽滿編奇絕盡冥搜不教天地畧容隱
應與鬼神同訪求海藏光芒開寶玉羽林鋒刃立戈矛
蕭臺自好攜歸去莫向人間苦暗投

其二

壽寧孫老畫壁下當日偶同君此行是時衆裏畧一揖
自爾乃得君詩名風馳雨絕十五載此地忽爾相逢迎
見投琴軒兩大集寶匣金鑰緘瑤瓊未開試使道所有
毛髮寒豎肝膽驚歸來燒燈讀至曉句險字硬才力獐

君身長不滿三尺萬象何術獨手擎嗟我氣俗音韻淺
不敢與君相和去鳴聊書短歌報佳惠它日願將朝七
瓔

彭山縣居

公館靜寥寥園亭景物饒溪光明短杓樹影蔭危譙山
鳥忽雙下池魚時一跳主人王事簡文酒日逍遙

下金雞山

峽束幾重煙山分數尺天岩猿與溪鳥一似過飛仙

過金雞關

關頭氣象古關下風煙淡春深草木活嵐重坑谷暗禽
聲著部奏花色成窠勘歸鞍雖若水留此亦能暫

夜靜獨登小閣有所見因書

危閣橫空蔽野扉夜深來上久忘歸水光潏灩和煙動
雲色離離夾月飛隔岸葦村聞笛遠背灣松塢見燈微
此間自得吟中樂不覺霜華滿盡衣

送黃夢得

去年輕舳過巫山今日羸驂度劔關孤客每嗟隨斷梗
慈親常把夢連環蘭陔歲晚雖堪采桂窟春深正好攀
決取榮科歸舊里板輿迎侍且承顏

送郭方叔南充簿

六月東山道炎風滿去鞍譙周之舊里仇覽此初官簿
領無煩壅圖書好燕安清朝名路闊慎勿學長歎

送張郭二秀才赴舉

二子共齋刀翩翩去意豪負才皆萬選入守定雙高上

道梅薰袖還家草映袍須知本鴻鵠終不在蓬蒿

謝人寄蒙頂新茶

蜀土茶稱盛蒙山味獨珍靈根託高頂勝地發先春
幾樹初驚暖羣籃競摘新蒼條尋暗粒紫萼落輕鱗
的皪香瓊碎盤鬚綠蠅勻慢烘防熾炭重碾敵輕塵
無錫泉來蜀乾嶠蓋自秦十分調雪粉一啜嚙雲津
沃睡迷無鬼清吟健有神冰霜疑入骨羽翼要騰身
磊磊真賢宰堂堂作主人玉川喉吻澁莫惜寄來頻

謝許判官惠茶圖茶詩

成圖畫茶器滿幅寫茶詩會說工全妙深諳句特奇盡
將為遠贈留與作閒資便覺新來癖渾如陸季疵

雨後看山因憶黃世南先生詩以相招

新霜夜落羣梢鳴羣風刮天為早晴南山向曉盡張列
顏嶺斷壑當空橫開軒一見喜無量走上高閣臨飛甍
層欄倚遍不能下狀貌秀活圍雙睛奔騰遠近若波浪
愛極擬去中間行此時只恨少佳客相共叫笑誇崢嶸

我思黃子者奇士趣向超越無俗情手提詩筆若椽大
到處詠物物有名我今此縣頗幽僻復在歲杪天氣清
溪中魚蟹易尋覓林下梨栗新收盛子如訪我住旬浹
此品可備盤與觥遂馳僕馬去邀子願子為我聊出城
私心不獨徒見子亦願播此山之聲子如不見不為詠
可惜此山虛此生

送楊議卿赴舉

寒日照殘樹新霜結衰草有客奉高薦策馬奔遠道聲

名近轉大文字素已好壯歲雖可恃榮科亦宜早勉自
報春暉高堂親髮老

和楊仲軻春難度 三首

春難度紅梢梢尋縷縷朝披煙暮結雨勸君飲酒莫用
訴春難度

其二

春難度歌滿闋酒萬舉喉欲破腸欲腐風光滿天已不
暮春難度

其三

春難度池浮花墻擁絮枕書睡樹陰午日長幾何萬尺
許春難度

和何靖山人海棠

為愛香苞照地紅倚欄終日對芳叢夜深忽憶高枝好
把酒更來明月中

訪李與山人隱居

多暇無所適故來尋隱君
寒開壓屋樹觸散擁門雲狀

貌不妨古言談何太丈令人重高趣歸去每斜曛

冬晚書事

倚杖立亭臯寒威向曉豪雪乾山色老風烈樹聲高殘
日千鷗舞孤雲一鴈號自然成感物不覺首重搔

晚次江上

宛轉下江岸霜風繞人衣翩翩渚鴻墮冉冉林鷗歸前
壑已重靄遠峯猶落暉孤舟欲何處劃浪去如飛

十月梅花

十月凍牆隈英英見早梅應從九地底先領一陽來紫
膜紛紛脫黃膚迤迤開得風渾自變與雪欲成堆細暈
輕檀口濃粧膩粉腮月娥身解寫青女手能裁冷豔浮
冰沼清香落玉杯只憂融乳酪不惜露瓊瑰避妬情堪
重禁寒術可猜有誰憐寂寞盡日獨徘徊共語誠無計
將題恥不才東隣夜夜客莫放笛聲哀

吉祥院

欽危一逕通下馬轉深叢便是塵寰外可憐煙塢中修

簞寒滴雨老栢靜吟風日暮庭前樹歸鷄自遶空

書鶴鳴化壁

晚氣陰陰別作寒夕陽林下動歸鞍忽然人報後山雪

更上上清宮上看

題鶴鳴化上清宮

秘宇壓孱顏飛梯上屈盤清流抱山合喬樹來雲寒地
古芝英折岩秋石乳乾飈輪遊底處空自立層壇

寄題何靖山人隱居

門外鋪寒水，牆頭立好山。
先生忘勢利，高隱寄中間。
鳬鷺應同樂，煙雲已共閒。
幾時能少暇，攜酒到松關。

寄楞嚴大師

錦官城裏寺，一室若雲峯。
水縮秋吟鼎，霜低夜講松。
住齋塵入鉢，出定蘚生筇。
曾聽三摩義，居常夢曉鐘。

揖山閣

一閣此孤迴，蒼蒼欲上摩。
有時臨縹緲，盡日對嵯峨。
絕底秋陰重，危層晚照多。
無由從隱者，空自愧雲蘿。

杳杳堂

杳杳堂何者余常此養愚放身依曲几忘慮若枯株莊
老題書冊喬松列畫圖客來休見問非爾識于于

安仁道中早行

行馬江頭未曉時好風無限滿輕衣寒蟬噪月成番起
野鴨驚沙作隊飛揭酒旗當岸立翩翩魚艇隔灣歸
此間物象皆新得須信詩情不可違

竹閣

卷八
回廡抱曾閣蕭然深且虛
盡欄憑曲曲高竹愛踈踈
塵滓外不到衣襟清有餘
每來聊自適幽意滿琴書

尋春

馬行如疾輪十里去尋春
盎盎日光麗鮮鮮雲色新
樓臺出花木道路夾松筠
欲買前村酒陶然作醉人

太博孫公遊火井因寄

七盤雲道與雲浮下見高
林壓縣樓覽景莫能陪後
乘臨風空自憶前遊已聞
去日謀詩席更羨歸時就
釣舟

好句定知酬不得盡將奇詭入冥搜

墅居

林下覽清曠此懷殊不羈散行輕幘便獨酌小甌宜自可追三樂何須作五噫世情歌笑外紛擾竟何為

面川亭

幽亭最孤絕直入亂叢間近晚獨來此有誰相與閒卷簾通大野臨檻數前山便欲教攜酒陶然踏月還

南亭

晚衙初散吏人歸獨立南亭著道衣淺酒小詩聊自樂
此心渾欲外輕肥

北郭

繞樹垂蘿蔭曲堤暖煙深處亂禽啼何人來此共攜酒
可惜拒霜花一谿

讀史

不得滎陽遂失秦始知成敗盡由人可憐一擲羸天下
只使黃金四萬斤

夜學

已叨名第雖堪放未到根原豈敢休
文字一牀燈一盞只應前世是深讐

畫眉禽

盡日閒牕生好風一聲初聽下高籠
公庭事簡人皆散如在千岩萬壑中

鷺


濃染羽毛深畫眉曉來風日正晴時
只應自道新聲好

啼遍後園花萬枝

佛頭

地名也此中山水絕佳

公暇常來此處遊
碧波蒼巘解相留
翩然又向城中去
回顧溪山只自羞



丹淵集卷八

欽定四庫全書

集部

丹淵集卷

九至
十二

詳校官庶吉士_臣馬履泰

檢討臣何思鈞覆勘

總校官庶吉士_臣倉聖脉

校對官庶吉士_臣嚴福

謄錄監生_臣李維瀛

欽定四庫全書

丹淵集卷九

宋 文同 撰

詩三十五首

和子平弔猿

去年汝山花平僧求得匡猿遠相寄來時野性已馴熟
趨捷輕便殊可憐呼來遣去會人語一成已絕歸山意
置之眼前看不足解去條索令自恣月明木杪倚風嘯
天暖花陰向陽睡兒童圍繞賓客惜倒挂橫跳街嬉戲

秦夫每日費提舉未始時節虧飲飼前時忽來報之病
抱立堦前自臨視與之柿栗不肯顧局脚埋頭交兩臂
毛焦色暗肉攣縮斗覺精神變憔悴尋常忽然遇小疾
不過蜘蛛噉三四咽喉才下即無恙何此不効况頻餌
今朝霜風冷入骨早遣之問云已斃人情不免為傷怛
退自悔恨中且愧重巒複岫本其樂大薄長林違爾志
若將韁鎖強維繫不究天年良有自遣人包裹瘞深僻
不使筋骸屬螻蟻西隣子平最好事聞之搏髀歎無已

再三慘怛來訪問歸作長篇踰百字其詞讀之甚淒愴
亦謂一鬱歎其死復推物理重相慰聚有散無皆偶爾
把之庭下讀復讀仰望高株一歛欬

和子平悼馬

生來未嘗畜良馬近得此駒誠可嘉骨節權奇毛肉好
此種無乃真渥洼健蹄駿駿穩而疾歷目一過如飛霞
自歸官下少出入惟是芻粟意轉加前時相期好天色
往返百里馳平沙誰謂兵奴踈其足針烙熨裏成癰痂

立多氣毒憤入肺雙膝攢縮兩鼻呀庸工謬藥久不効
倒死櫪下髣髴敝帷一區瘞以贈惜爾命薄如萎花
子平平時最愛爾對客滿坐常洪誇今朝見爾忽斃踣
重以好詩形歎嗟余逐貧官職小此馬豈合居余家
從今但只跨款段壞轡破鞍仍短撾

冷餅

海南有陶器質狀矮而峭云初日炙就鍛鑠不以火水
壺醜突兀酒甌肥磈砢山疊頸微腫石鼎足已跛圓如

鴟夷形大比康瓠，顓華元腹且皤王莽口何哆。蕃胡入
中國萬里隨大舸，攜之五羊市巾匱費包裹侏儻講其
効。瀉辯若炙輅課以沸泉沃水雪變立可炙，敲療中渴
其用豈么麼。君凡幾錢得不惜持遺我，我曾將對佳客屢
試輒亦果勿云遠且陋，幸可置之左。

中秋夜試院寄子平

憶初我來時夜色如墨，障心常念明月幾日西南上松
梢。倚樓角一缺偃相向，漸見輪中物依稀吐形狀。今宵

東嶺外灩灩金波漲人間重此夕一歲號佳賞而我督
秋試鑱宿密如藏細務紛滿前約束甚鞅鞅無由奉朋
侶徹曉坐清曠之人富才華筆力趨且壯誰陪把樽酒
露下與酬唱南牆咫尺地使我起遐想人生此良會可
惜已虛放獨立中夜歸俛首入書幌

贈城南觀音院菴主廣師

薄領日嬰薄紛然汨幽襟駕言出城南聊欲清此心平
岡見淨刹石逕鬱以深中有苦空人峭健奇骨森十年

一菴下形迹了莫尋兀如擁敗褐口吐衆妙音時下寂
照堂聲絕響亦沈默矣蓋自得其誰知少林

送韓震都官監渭州酒韓近悼亡

士師每失官未始有憂愠園吏既喪婦何嘗復嗟憤二
子道義勝一與天理順之人乃其徒心迹兩相近區區
赴窮塞而使賣官醞胷中浩然者俗口不得問好軍此

開府遇士以恩信若訪禦戎策請為講三陣

時仲儀
帥渭

成都楊氏江亭

汀洲煙雨卷輕霏遙望軒窓隱翠圍萬嶺西來供曉色
一江南下載晴暉鳬鷗慣入闌干宿魚蟹長隨舴艋歸
我亦舊多滄海思幾時如此得苔磯

漢州王氏林亭

短釣疎籬入野扃竹烟松露滿襟清奔湍激險飛寒響
弱蔓穿深挂晚英惜去更觀曾畫壁記來重注舊題名
門前便是紅塵道誰肯同過洗俗纓

春雪呈知府龍圖

朧朧玉魄沉霄彩
簌簌瑤花破曉陰
和氣所蒸緣異政
豐年之兆慰羣心
畫樓卷白歡聲洽
遊騎障泥樂意深
太守安閒民訟息
錦城無限好園林

同蘇秘丞子平登延暉故亭

城端有亭餘故基
吏曰舊榜題延暉
行穿蒙籠倚孤陴
霜風飄蕭吹我衣
高林滿郊目四圍
雲起日落晴烟飛
感今念往聊久之
埤垠昏黑羣鷗歸

金桃

雨染烟蒸萬實垂丹硃為骨菊為衣客疑麗水新淘得
人向瑤池舊帶歸只恐壓枝星欲落最憐和菜露初晞
銀瓜玉李君休並此品仙家亦自稀

房公湖

一頃清波四面平宛然唐相舊經營高秋林木形容老
落日樓臺綵繪明有景可尋蘭櫂遠無幽不入竹橋橫
二年所得官居樂肯厭頻來緩帶行

錦雞

高原濯濯弄春暉金碧冠纓綵繪衣石溜瀉煙晴自照
巖枝橫月夜相依有時勃窣盤跚舞忽地鈎輶格磔飛
寄語人間用繒繳瑤臺鸞鳳好同歸

竹樓

秀幹扶疎綵檻新琅玕一束淨無塵重苞吐實黃金穗
密葉圓條碧玉輪凌犯雪霜持勁節遮藏烟雨長輕筠
此名未入華林記誰念西南寂寞春

無為山寺

一絙危磴遶崢嶸上徹幽深入化城烟外川原誰繡畫
雲中樓閣自陰晴老僧高論都無著古佛真身宛若生
聞道軍持新呪水願傾涓滴洒塵纓

劍州東園

羣峰高擁碧嶙峋亭宇清華氣象新兩岸烟雲先向日
一林花木暗藏春溪明夜閣軒窓月風斷晴橋井邑塵
好酒滿樽詩滿軸主人曾不倦行人

運判南園瞻民閣

青都高與紫霄通獨此危欄望不窮萬嶺過雲秋色裏
一峰擎雪夕陽中欄楹曉落天蒼月牕戶晴吹石闕風
民吏安閒財賦足管絃時復在層空

讀淵明集

吏人已散門闌靜公事才休耳目清牕下好風無俗客
案頭遺集有先生文章簡要惟華袞滋味醇醲是太羹
也待將身學歸去聖時爭奈正升平

張次公太博歸閬中

制詔頻來試玉京清途猶自滯豪英策高三道竟何用
恩拜二親方爾榮嵇阮襟懷終曠達儀秦才術本縱橫
閬中勝事知無限且向城南爛漫行

寄成都監庫石屯田遠叔

一年同住夾城中小圃高齋幸見容吟盡物題春唱和
講窮人事夜過從尋芳待去門前約訪古邀回道上逢
別後西樓不堪倚滿川林木暮雲重

宿隆平精舍

萬木羅青蓋雙峰敞翠屏風埃愁客路鐘鼓喜禪局下
馬穿蒙密隨僧入杳冥俗襟如見濯試為瀉銅餅

弭蓋亭

弭蓋長亭下軒窓慰客心田塍交遠日水堦瀉清襟北
道雲千里西山雪萬尋塵衣無奈拂去騎復駸駸

什邡道中

驅馬下遙川殘陽促晚鞭高林夾廣道亂水入平田村
落晴如畫桑林晝起烟飛鴻正南下歸意滿雲邊

夜思寄蘇子平秘丞

亂竹敲風遠高松過雨涼
檢書防落燼下幕恐遺香
好月娟娟上輕雲冉冉長
端令阻佳客不得共清觴

西湖

丞相淹回地光容滿落暉
池塘存舊夢城郭歎前非
煙靄陰晴出鳬鷗遠近歸
松風殊有意猶欲下金徽

猿

岷嶺高無敵來從第幾層
攀緣殊不倦趨捷爾誠能
晚

嘯思危石晴懸憶古藤王孫非汝類只可以文憎

幽沼

促促開幽沼涓涓引細渠無由安島嶼才可活龜魚秀
行新宜食圓荷淨好書時來坐高柳濯足蔭扶疎

步月

掩卷下中庭月色浩如水秋氣涼滿襟松陰密鋪地百
蟲催夜去一鴈領寒起靜念忘世紛誰回此佳味

中秋對月懷寄鳳凰山鄧道人

有客千巖萬壑中
綠毛丹臉紫方瞳
不知今夜西樓月
幾處飛仙下碧空

秋日晚晴呈同院

秋風淅淅吹碧虛
白雲鱗鱗如臥魚
共君今夜賞明月
興來誰欲騎蟾蜍

戲呈鳳凰長老用師

七十頭陀會語言
舌根流利口闌珊
羅浮居士最難奈
穩把無絃琴與彈

郡學鑠宿

長栢高栢陰廣庭夜涼人靜夢魂清不知山月幾時落
每到曉鐘聞雨聲

子平茶負茶墨小章督之

睡憶建茶斟漱灑畫思究墨潑淋漓可憐二物俱無有
記得南堂茶勝時

長安李晦叔醉老菴

醉老名菴晦叔為菴中長是醉淋漓扶頭未得日過午

門外萬端俱不知

和邵興宗棊聲

二客與棊酬寒聲滿側楸急因隨興發斷為見遲休花
下鶯翻翼林間鶴轉頭丁丁竹樓下不獨在黃州

丹淵集卷九

欽定四庫全書

丹淵集卷十

宋 文同 撰

詩二十三首

續青城山四詠

昭慶觀

琳崖盤玉霄彩翠接步武雲霞不可盡泉石固難譜神
幢逾百尋帝轍歷萬古靈瀑誰與窮長飛六時雨

天倉山威儀觀

羣峯削瓊瑤老蘚抹古綠應朝大嶠去簪笏儼相逐珠
宮秘仙仗錦笈藏寶錄上帝此為倉其田堪種玉

飛赴寺

平林露層巘上獨置孤寺羣仙馭飛駕往往赴於此風
高幡影亂日落鐘聲起誰可謂詩豪興來吟萬紙

香積寺

道險轉詰曲山深愈巘岼行松耳目清入竹襟袖寒殿
閣紅芙蓉崑崙碧琅玕高僧把金字擁衲對雲看

夏秀才江居五題

枕流亭

愛此煙景佳，開軒故臨水。
晴暉照寒浪，飛影動牕紙。
倚檻見魚游，卷簾知鴈起。
憔悴笑湘累，區區詠蘭芷。

閬碧亭

雨餘山景鮮，風定水光好。
晴陽破宿霧，秀色濃可掃。
平時一樽酒，野客共傾倒。
朝暮山水間，年華不知老。

天隱洞

層崖削青瑤誰昔此鵲鏤潭潭鬪孤洞中可百人受贄
屹列岫繞洶湧大江漱虞鄉方著書入此幾年就

直釣磯

盡知人釣曲獨見君釣直年年此磯上萬掣無一得持
竿只自苦吞餌何嘗識試效人所為君魚不勝食

醉經庵

垂茅緝為庵有類穹廬形之人伏其中日醉乎羣經世
俗安爾知但謂長不醒寄此語二豪渠非彼劉伶

寄題杭州通判胡學士官居詩四首

鳳味堂太史書言官居在鳳凰山下此山真
如鳳有兩翅翅上各建一塔而鳳背正落所
居池上舊有一堂在山欲落處近葺之謂之鳳

味堂因而求詩

四詩為子瞻賦今易以胡侯
豈黨禍未解故竄易失真歟

胡侯外補來錢塘所居之山名鳳凰不知元本發何處
蛇頸魚尾盤高岡婆娑欲下大江飲萬里一息頭低昂
誰將浮圖壓兩翅直使帖地不得翔前人眼俗不知顧

會有賢者來形相憐汝困欲共汝語故近汝味營斯堂
起居飲食不離上外孰有耳聽琅琅應云汝德未衰在
旦暮可起鳴朝陽

濺玉齋又言山上草中多怪石近取得百餘
枚於東齋累一山激水其間謂之濺玉齋

石林古木森座隅激水注射成飛渠寒音琤然落環珮
爽氣颯爾生庭除主人清標自可敵底處勝槩為能如
想君不欲時暫去其餘滿案堆文書

方庵又言堂後有屋正方謂之方庵同按釋名庵園屋也

衆人庵盡圓君庵獨云方君雖樂其中無乃太異常勸君刊其角使稱著月牀自然制度穩名號亦可詳東西南北不足辨左右前後誰能防願君見聽便如此鼠蝎四面人恐傷

月品齋又言累石為山上有一峯穿竅如月

謂之月品齋

詩中子平即子瞻也

月為太陰精石亦月之類月常寄孕於石中事理如此
何足異天地始分判日月各一物既名物乃入形器安
有形器不消沒況此日與月曉夜東西走珠流璧轉無
暫停豈與天地同長久其為勞苦世共知惟是月有生
死時既然須常換新者人但不見神所為日須天上生
月必地中產君不見號州朱陽縣之山谷間纔成未就
知何限石有不才者往往其卵煖靈媪棄置不復惜任
人取去為珍玩佳者留之待天取藏滿庫樓千萬許彥

瞻博物天下稱更無定不以予之說為寢語予恐世人不知嵩丘崑洞中中有八萬二千修月戶其所食盡玉屑昔有王生見之滿襍提斤斧應是當年靈鷲山直自天竺飛落西湖前其上有石姪月月已滿此人竭來就彼剗剔歸上天所以此石拆齧不復合至今神胞所附之處其痕圓拋擲道傍凡幾歲風刷雨淋塵土穢子平一見初動心輦致東齋自摩洗更選他山相擁列就中獨爾一峯最奇絕每至瑤魄流光下照時玉柱橫欹

無少缺子平謂我同所嗜萬里書之特相寄邀我為詩
我豈能窓前累日臨空紙遙想崑前寶穴通玉蟾從此
去無蹤請君為我細書字於側名為月母峰

寄負文饒屯田

英英文饒江漢士何者天教喪眸子用心專一性轉明
無所不知餘兩耳能為樂府勝張籍暗誦史書過杜顓
棄官新自荆渚歸萬里逆風衝峽水戔戔全家載巨艚
坐臥吟詩滿千紙自言從此生事足可了芋栗及麻枲

數椽舊屋蔽風雨一榻蕭然容隱几丘明國語浩如雲
子夏門人紛若蟻向人問口誇舌在道義文章吾豈已
自知俗事無所觀便落雙睛君亦喜

奉送少訥還青神

濕雲堆空洩淫雨日與三嵎氣相軋春陽沈伏不得動
萬木屈蘖草藏茁叢岡複嶺誰敢度旦暮寒鷄叫泥滑
少訥胡為犯此苦特念我困來省察延之累日對佳話
如侍大饗聽控揭彥瞻弟兄別已久使我心胸昏莫刮

天將少訥愈我病次第為取蹊茅拔長編巨軸寫治亂
筆墨揮灑何橫猾詞章直如子長健辯論不比仲連點
我慙無琴類師曠鶴誤銜珠投二八酌泉煮蔬共家饌
敢用俗禮費烹殺少訥忽爾道其去歸轅在途不可握
此懷作惡定數日憤憤已覺漸磨憂欲留少訥意無盡
更為逡巡枕西轡

送無演歸成都

曾讀契嵩輔教編浮屠氏有不可忽後於京師識懷璉

彼上人者尤奇崛余嘗從容問其友璉復為余道居訥
是三大士才過人所蓄豈肯吾儒屈文章汪洋道義富
不止區區事其佛余思此等更誰似蜀有人焉頗超越
成都敏行字無演所謂萬星中一月想嵩璉訥見須避
不爾往往被呵咄通禪曉律兩無碍前會定預耆闍崛
羣經列史固汗漫獨泛其深仍出沒外之所精者書畫
不問不語常若吃計其夏臘殊未幾在大衆中誠突兀
余守陵陽至窮陋雨浸一春泥汨汨英礧礧磴磴道嶮

行客欹轡上青岑無演衝冒獨不顧來歎余門手持謁
呼之使前見已喜相貌圓滿藏神骨

退之送澄觀詩有
坐脫神骨空潛然

之清譚坐久愈飄灑頓遣塵襟落如拂新詩古文覽嘉

貺氣格俊健凌霜鶻觀其袞袞出論議收歛便可與簪
笏試將邀之使從仕笑指此頂安更髮日招與語自無
厭何乃告去苦倉卒西城曉日照高嶺倒搭乾陀入深
樾師歸常宜見嘉祐此老心中已無物好音相與頻寄
惠余在空山正伊鬱

閻君見示岷山賦因為小詩謝之

大岷西南鎮崑壑天下秀厥初造此者以作神仙園相
如子雲沒李杜繼其後欲賦俱未敢於詞怯輕構閻君
通方士才力誰可闢驅聯入健筆萬狀無一漏駸駸語
趨勁駿馬雜馳驟太華楊已拙天台孫亦謬示余讀數
過驚聳肩縮脰勉為成短章聊酬君意厚

閻生談黃庭

茫茫誦靈文誰為抉久瞽不能辨三一豈復更知五方

迷得真指忽悟有奇觀自此日相親赤龍交黑虎

送范堯夫

還還走閭巷都人起中宵相擁候府門惟恐失此朝盡
言來送公車馬城北橋橋邊脂轄亭大尹此相邀歌管
盛宴集簪裾合羣僚四座酒既行相顧魂已銷亭前有
楊柳秋風減長條折以持贈公莫獸霜葉凋節物雖謂
晚比春情更饒遞起勸公飲雙呼金翠翹豈徒要公醉
恐公遽乘輶借問何爾為重公若瓊瑤美質未省變與

人存久要既莫不可留征衫遂飄飄鳴騶過昇遶羣阡
開如蝸感公來二年免我於無聊今公舍我去何由借
諸朝願君富且貴壽命等松喬直似先令公巍巍佐唐
堯涕淚逐公行不憚公更遙公誠上下通和如奏笙簫
所以得如此人情不相遼嗟同繆與公一時赴弓招于
今二十年不見有所超前日荷君相與印垂之腰使歸
守山郡藏伏甘寂寥聞公將治行乃心日夜搖恨不能
送公俛首類酸瘠徒為送公詩有如草蟲嚶強勉寫之

去憂來立危譙

推官惠李庶子鄂州篆字

天下有奇篆陽冰書鄂州異獸呀五口狂咬掉三頭
礪玻黎盤詰屈珊瑚愧無希世寶何以為子酬

和提刑度支王店雞詩

王店有郵吏養雞殊可笑昂然處高襟不肯以時踞
官有宿此者西征待初曉雞竟不一鳴問吏吏已告云
此最荒絕左右悉蓬蓼狐狸占為宅恣橫不可道前此

四雞一一遭其暴尋聲即知處盡獲爪牙吊自後始得此其若有人教東方或未明羣醜尚騰趨此雞但鉗結直伺太陽耀雖然謂失旦似得保身要官曰此何用不然則宜糶不見不鳴鴈先死蓋自召天下已明白豈假更喧鬧徒爾費稻梁曾莫知所報吏云官言是且願勿嘲誚知是本在人此物何足校

送李道士

先生若孤雲兩在隆山見清標瘦彌聳秀骨老愈健高

談吐深詣大句寫精鍊忽起憶鵝池品飛石泉澱

送韓山人

昌黎山人抱藜杖三度訪我於三隅端然入座更誰顧
談辯衮衮如流珠靈丹嘗凝日月鼎至寶自產乾坤爐
要行撇起不可逐安得雙鳥為飛鳬

丹淵集卷十

欽定四庫全書

丹淵集卷十一

宋 文同 撰

詩五十四首

二年陵陽不見中秋月

陵陽亂山中陰霧日夕發晴光尚希見况復求夜月二年逢中秋曾不識皎潔煙雲爾何事常此作蓬勃纔令薄中明已遣濃處沒羣邪利幽暗左右覺窻窄清光若蒙蔽誰為我磨拂庭下倚高株露華沾鬢髮

夜聲

秋風動衰草，撼撼響夜月。其下有鳴蛩，到曉啼不歇。乃知搖落時，衆籟自感發。安得苦吟人，不能為一呌。

送棋僧惟照

學成九章開，方訣誦得一行乘。除詩自然天性曉，絕藝可敵國手應。吾師牕前橫榻擁爐處，門外大雪壓屋時。獨翻舊局辨錯著，冷笑古人心許誰。

送喻介夫

介夫陵陽奇男子節義素為人所談身長七尺氣萬丈
自謂流落誰能甘去將舊學中新格坐取高第如手探
明年西歸有光耀且請為我來山南

飛泉山寺

東城兀高峰爽氣浮翠微霞光射巖壁中有寒泉飛上
方金僊家煌煌啓雙扉欄干出雲表目可了四圍我來
久不下幃影移斜暉風吹月中桂天香滿人衣遠渚鳬
鴈落前嶺牛羊歸尚此戀幽勝不能手聊揮

山雨

山雨灑春城
淅淅聲頗急
牕下讀書人
橫編揭陰濕
高鶯餓獨叫
遠燕寒雙入
南園有桃杏
盡抱羣梢泣

送牟太素山人

山人高迹若孤雲
聊問太虛求所止
昨因隨風起西北
翩然遠墮三隅裏
攬之不住瞥爾去
瞬息誰知幾千里
東遊必定遇鴻濛
請問無為最深旨

送龐中秀才

曼倩學精知蜥蜴公明術妙識蜘蛛臨卽復有龐成叔
萬事先將入卦圖

遣興效樂天

君莫學楊虞卿奉李宗閔宗閔權勢豈能久君莫學劉
栖楚附李逢吉逢吉祿位寧長守雖然一時身暫好其
奈千古名常醜丈夫讀書要知道所信不篤被其誘大
張富貴作羅網愚者紛紛以身就左纏右繞不可脫誅
竄還當逐其後君不見虞卿須遇李固言君不見栖楚

終遭韋處厚一朝推折靈氣盡龍如蛇兮虎如狗勸君
聖賢術內好潛心勸君邪佞黨中休入手豈不知潞州
處士田佐時喚與美官嫌不受

遣興三首

惻惻抱伊鬱試此登蕉堯陰風吹繁雲黯黯蒙泰霄關
河眇無際節物何蕭蕭過鴈安所之驚哀翻沈寥幽懷
漭如失隨此羣草凋嗟予生胡為迹玷明盛朝服職詎
云補赧然綴羣寮感此四序遷一昏復一朝寒霜入兩

鬢漸積不肯消良辰乖所遇慨嘆神魂飄賤稟迂且介
於時信無庸欲適閼所之此道當何從富貴諒非有僻
陋知可容豈不媿上恩耗此釜與鍾昨歸得此州滿眼
皆亂峯事物固瑣碎敢茲任頑慵報國祇自明惟神誘
其胸

其二

少小事編簡淵源極沿洄不自測其深津涯信悠哉既
長務修省日以德義培一簣敢中畫期之至崔嵬振纓

仕明庭鴛鴦忝遊陪蹇修無嗣者誰可吾與媒吐艷落
晚春薦然抱枯菱因人寔自恥寂寞余敢哀何當清冷
泉襟裾濯氛埃故山有松菊待賦歸去來

其三

連陰不肯解山霧嘗霏霏積潤日已滋厭浥沾人衣輾
轉厭早起隔牕問晴暉幸聞太陽出身體輕欲飛

中秋夜坐遣興

素紈不搖風滿襟露氣中夜寒相侵予懷浩然杳莫寄

伴月直到青天心

臨闌閣

絕壑迎朱檻高林拂畫楹
卷簾千嶂遠入座一川平
蛻綵緣雲斷霞光射水明
不須誇曠望為語謝宣城

野逕

山圃饒秋色林亭近晚晴
禽蟲依月令藥草帶人名
排石鋪衣坐看雲緩帶行
官閒惟此樂與世欲無營

寒蛭

山月滿地流金波寒蜩向秋鳴更多大都時節使如此
止爾不得將奈何

辛亥孟秋戊子有虹下天繞飛泉山入東谷飲
古井良久去作大雨咄之以詩

長虹落天帔萬丈截羣嶺蟠身下深谷頰首飲古井居
人莫之指况復敢引領幡然繞空去雲霧變俄頃乾坤
為之黑噴雨極暴猛崩流匯溝瀾巨漲沒四境民田一
漂蕩多稼不可省此物蓋蟲類聞亦具頭頸淫沴之所

生詩傳載為青朝西暮東出輒與日對影夫何此凶孽
得使乘時逞高風掃寥廓一帚昏穢淨煌煌太陽起隙
穴被光景羣陰逐海內此物應遠屏

寄何首烏九與友人

此草有奇效嘗聞於習之陵陽亦舊產其地尤所宜翠
蔓走崑壁芳叢蔚參差下有根如拳赤白相雄雌斲之
高秋後氣味乃不虧斷以苦竹刀蒸曝凡九為夾羅下
香屑石蜜相和治入臼杵萬過盈盤走纍纍日進豈厭

屢初若無所滋漸久覺膚革鮮潤如凝脂既已鬚髮換
白者無一絲耳目固聰明步履欲走馳十年親友別忽
見皆生疑問胡得爾術容貌曾莫衰為之講靈苗不為
世俗知蓋以多見賤蓬蒿同一虧君如聽予服此語不
敢欺勿信柳子厚但誇仙靈脾

霜栢亭試墨

山風吹早晴袂服覺微凜煙雲有佳尚竹石得幽稟閒
牕覆舊局晚閣試新品幾欲賦郊居奇詞未如沈

閱史感事

世間諸味已全疎惟愛縑緗似蠹魚名霸者來為御史
姓關人去作尚書晉師嘿嘿曾何害楚客昂昂只自如
安得漢陰歸抱甕滿園青甲灌新蔬

富春山人為予道其所獲石於江中者狀甚恠
偉欲予作詩言若可得持歸刻其上當相與傳
無窮余夜坐平雲閣是時山月清凜啼蟲正苦
余因此景物索筆硯為山人賦之

奇礪巔屹倚秋江俗眼過幾多所忽風霜鍛鍊愈堅重
怒浪噴激不可沒富春山人好尚古見此便以作吾物
鐫鑱牽挽置庭下犀角鯨牙蛟蜃骨精金凝滑露筋膂
老玉礪硎開竅窟狂螭奔拏勢天矯猛兇搏生氣蓬勃
山人誇我謂如此欲我詩之慙拙訥何當走到山人家
撫月摩煙觀突兀

平雲閣偶作

陵陽郡事全稀少嬾守長贏半日閒晚後須來上高閣

就中無厭是雲山

聞陳山人定命丹成試以詩乞

水火相交養大還已聞神汞滿爐乾
羸肪穀漆尋常得敢服靈丹二萬丸

厭蟲

月出松塢明露下蓮塘清
今宵好風色獨遶林下行
百蟲爾胡為嘖嘖饒秋聲
求靜不能得我詩何由成

新晴山月

高松漏疎月落影如畫地徘徊愛其下及久不能寐怯
風池荷卷病雨山果墜誰伴予苦吟滿林啼絡緯

送堯夫二章

有志深沉定無心出處同廟堂應為國臺省復還公肖
似家聲重端方士論雄上如留左右風采壯朝中

其二

欲與民為利先求政所妨紛更初下議旁午遂交章不
爾毛安傳其如體自傷西南餘燼在歸為對明光

秋日田家

淘漉溝源築野塘滿坡煙草卧牛羊今年且喜輸官辦
豆莢繁多粟穗長

二色芙蓉

已下五首和
吳龍圖韻

蜀國芙蓉名二色重陽前後始盈枝畫調粉筆分粧處
繡引紅針間刺時落晚自憐窺露沼忍寒誰念倚霜籬
主人日有西園客得爾方於勸酒宜

洗竹

斤斧從來到此稀為撩疎密遶藩籬已繁不用饒新笋
縱礙何妨惜舊枝風外清音聞曲閣月中寒影下方池
想公日在琅玕逕正是棠陰訟少時

琅玕逕在西園竹逕名也

明堂肆赦不得預觀感而成詩

季秋陽館事嚴禋能饗洪惟上至仁游廟衣冠參帝坐
侍祠簪佩儼星辰歡聲被寓和於律協氣流天藹若春
即見陪鑾千萬祀豈長如此在遐垠

經史閣

自持金節此為州小善何嘗不見收更起麗譙連石室
盛藏縑帙擬蓬丘師延舊德皆高誼士集他邦盡久留
當念河南嚮儒意莫教弦誦少時休

有懷致政景仁侍郎

一生名籍占風流為識莊環可自由几杖未銷容早退
廟堂將近肯中休有人把酒思高節何處揮毫詠素秋
故國岷峩最佳絕幾時歸伴赤松游

吳公惠酒因謝

山城物色正嚴冬
梅放長梢露小紅
破萼未深聊敵雪
收香不密任隨風
儘教挿滿金釵上
休管吹殘玉笛中
須至開筵召佳客
為公連夜賞耶筒

登陵陽雲山閣寄上吳尹

雲山高閣倚危墻
晚意無窮在渺茫
極望不知雲幾許
滿空惟見鴈交相
與誰把酒邀明月
獨自吟詩到夕陽
因念平臺有佳興
鄒生枚叟奉梁王

和寄白聖均

年來雙鬢已絲絲頭角低推羽翼垂無命不窮常自笑
有謀皆拙敢求知榮途謾說居三館僻郡還甘守一麾
賴是山城好風物不能逢子共吟詩

和提刑郎中閱兵之什

曉營金革列周遭大纛長牙擁帳高虎豹用韜傳妙略
龍蛇供陣役羣豪言初撫處如蕭纘恩盡均時若楚膠
敢謂施行剪諸盜亡之纔比一牛毛

晚坐山亭口占

嶺上生來月似磨
崑前斷去雲如削
遙聞褐吏叩高林
應是雷公催采藥

送王晦叔

豈無舊德為清望
亦有彊親在要流
班簿至今纔博士
郡書猶自許諸侯
貧甘遠宦冰盈腹
老憶高堂雪滿頭
不恃交期便求去
趁歸春圃奉蘭羞

重送

一生自守至如此
惟道外皆非所親
顧已通塞盡有命

是身可忍求因人

又六言

鷺尾歸艖正穩鴨頭春水方深不得同搔楚棹與君齊
到山陰

登山亭

登臨平楚外徙倚夕陽間歸鳥亂飛葉暮雲凝遠山行
知筋力倦愁欲鬢毛斑坐久成搔首疎慵好強顏

丈頷相仍意慮煩濁耶攜野策獨訪山園因覩

霜栢亭殘梅憶公向時有詩酒之惠感物成詩
繕寫拜呈知府龍圖諫議吳公

昨日梅開飲公酒今朝梅謝念公詩眼前光景急如水
案上簿書勞若絲且試輟忙來此地可憐遺恨滿殘枝
西園想已成青實敢問調羹去幾時

依韻和張推官元夕

山郡上元榮樂事大開金地作遨場煙雲向曉誰教霽
燈燭乘春自有香紫陌熒煌隨步遠綠棚佳麗闌眉長

遊人莫惜酬高直，買取銀蟾一寸光。

小閣戲書

閒揭新刊集，時裝舊窖香。還如到茂灌，無物在牀旁。

伐枯株

層崖垂空石壁牢，上有大木百丈高。古荔全身裹鐵甲，
頑薑滿腹鋪金毛。空根老蟒露擁腫，曲枿恠鵠爭呼嘯。
一朝壯士揮巨斧，無限隨死蓬與蒿。

可笑口號

七章

可笑庭前小兒女栽盆貯水種浮萍不知何處聞人說
一夜一根生七莖

其二

可笑陵陽太守家閒無一事只栽花已開漸落并纔發
長作亭中五色霞

其三

可笑此公何太惑讀書寫字到三更也知學得終無用
自肯辛勤比後生

其四

可笑生平事迂濶向人不肯強云云到頭官職難遷轉
一似城南蕭次君

其五

可笑為官太傲幸養愚藏拙在深山君看處置繁難者
日夜經營心不閒

其六

可笑兒孫亦滿眼朝朝庭下立參差謂言飽讀詩書去

憔悴如翁亦好為

其七

可笑山州為刺史寂寥都不似川城若無書籍兼圖畫
便不教人白髮生

近日

近日簿書全簡少吏人惟趨兩衙休歸來便只尋冠屨
遶遍林亭山上頭

丹淵集卷十一

欽定四庫全書

丹淵集卷十二

宋 文同 撰

詩五十首

送知府吳龍圖

國初已來治蜀者處置盡自乖崖公當時奏使便宜敕
不與天下州府同行之已及八十載姦宄消伏誰之功
因循至此漸抗敝有未曉者時相攻鞭笞小罪亦檢察
不許畧出常科中下民知之頗不懼州縣往往藏羣兇

側身歛足未動者實以累朝恩澤隆公之初來蜀人喜
慈愛舊熟民情通衆心歡然恥犯法掇藥浮薄歸醇醲
盡將約束付僚吏興起學校還文翁二年美化極沾洽
遠近循服如偃風上將歸公問誰代當使間作如笙鏞
遂求元老得青社其人廊廟之宗工往年鎮撫有異績
大旆再遣來於東公今與之合符去到必奉詔參夔龍
大資舊德固無慮剖判自出其心胸所憂歛後嗣之者
忠定良法還如空養頑活狡作淵數不免剪殄煩興戎

同之憤懣久填臆言賤不得通九重願公上殿起居罷
第一用此聞宸聰

送通判喻郎中

前年為郡得陵時不謂其州陋如此蕭條官宇嵒嶺上
零落民家坑谷裏西城初入已可厭竊謂豈堪余所止
幸逢之彥倅郡事日月漸深殊可喜予之所稟至迂謬
君亦恬然尤自委每來聚議一朝罷各去掩門歸隱几
雖然有時亦為會此事可知誰得已酒肴麤糲妓樂可

况復饒饒滿公使惟於試茶并看畫以此過從不知幾
幕中有客乃佳士愛遣高談聽疊疊如斯共處五百日
索寞情懷未嘗起君今官滿忽先去撩動予愁安可捥
英溪長亭一揮手自此吳蜀五千里謂言川江會北固
中亦有船多上水願君因出到金山遇此莫忘批紙尾

送通判喻郎中二首

晴霞照西城漠漠卷宿霧高空繚危磴此乃君去路吳
蜀向萬里上馬初一步莫言道途遠况已嗟久寓今茲

有行色便可到北固長亭聊把手幾日更逢遇不敢醉
君酒君意實急遽惟是送君心相隨亦東驚

其二

羣居五百日日如初見一日忽遠別能不成愴戀人
生三萬日光景若激箭何苦於其間喜愠費顏面茲緣
勝心在胸內每交戰既欲多上人計校須自銜於事固
無補在已亦非便仕路繁此徒可謂丈夫賤愛君性渾
厚殊不與時變相共為此州敢說皆盡善何嘗分彼此

卷十二
惟務乃職辦所以將二年無有長短辦為人倘如此所
至復何患官滿去還臺豈能忘眷眷陽關調雖苦且盡
西城宴問君到京國幾月方下汴予亦想是時移守至
梁旬佳音幸見及西南足郵傳

山城秋日野望感事書懷詩五章呈吳龍圖

原隰蕭條草木衰倚風渾類楚人悲便成孤憤終何事
且寄遙懷對此時千里暝陰雲杳靄一川寒影鴈參差
登臨自不宜羈旅更敢憑高賸作詩

其二

已是秋陰更夕曛
亂山高下起寒雲
危樓願見客何處
遠笛不知人厭聞
身外流年波渺渺
眼前生事業紛紛
此愁萬斛誰量得
直為重拈庾信文

其三

才力雖難敵楚騷
賦詩常亦在秋多
自然野思元無限
不爾閑愁可奈何
要路故人皆廢忘
偏州佳客少經過
明時且為貪榮祿
豈學湘纍便九歌

其四

崑谷雨餘生晚煙
高城危閣坐蕭然
側身仕路本誰使
回首家山空自憐
遠信斷來從過鴈
苦吟多後敵鳴蟬
郡齋有客唯莊叟
常與高譚內外篇

其五

早是蓬山預校讎
起居常赴殿東頭
鵷鷺擁陛聯簪笏
日月開天拜冕旒
一出光陰銷遠郡
兩形篇什詠清秋
有人更在楊莊上
文似相如肯見休

東丘老人

東丘老人眉有毫皮肉光潤牙齒牢自云新年九十九
鬚髮白者無一毛問之吾術本無有嚙津納息徒嘈嘈
莫將元氣佐喜怒自然所得春秋高吾嘗行之五十載
此事至易曾不勞飲之以酒謝使去手足輕利如猿獠
嘗聞唐人柳公度八十許歲精力豪其言與人亦如此
老人無乃斯人曹

送堅甫同年

五首

堅甫神太清不謂久流落別來二十載論議轉深博其中富所有種道以文獲鋪張講治亂破若勁弩彊衆人誚青衫可笑俗眼薄蘭筋隱瘦骨垂耳受羈絡拳攣喙拄地過者無伯樂去蜀持底歸雄藁滿壞藁朝辭玉壘關暮上石櫃閣知子者云誰獨我懷抱惡

其二

得數常奇懶下籌肯來荒徼治纍囚三年笑別浙江遠萬里吟歸岷嶺秋趙壹囊空常骯髒虞卿書就愈窮愁

跼香回臭都休問未有林泉且宦游

其三

春深行劍棧羨子此時歸照日江浮馬迎風花聚衣下
程家累省對景俗題稀若遇西來客書言不可違

其四

春風吹雪滿西窓此夜無人對酒釭若到杭州見蘇子
為言常夢過松江

其五

華亭有珍禽毛豐而骨細他日上隋渠為我致清唳

送李道士歸

先生狀貌古瘦健若老鶴秋風唳清霄寒響滿寥廓一腹冰雪詞勿為俗人作便可住鵝池乾死守崑壑

師厚還朝

聞公之名三十年常恨與公不相值豈期今乃出門下每一見公心自醉詞章豪蕩已難敵辨論注射尤可畏諮詢故事要將又講正大體須賈誼荆山拾玉抵乾鵲

虞坂裝鹽壓良驥用人最忌非所宜願莫使公嗟俗吏

牽牛織女

桂陽有仙人姓成名武丁胡為墮人世
人惟識其形一日語其弟吾將返青冥
乃曰此七夕上天呼羣靈織女欲渡河
暫詣牽牛星諸仙盡還宮天路羅雲輶
吾亦向祈召當往不得停第問何時還
答云三千齡明日失丁在恍惚迷所經
後世凡此節兒女喧家庭縱橫具鍼縷
花果排甘馨貪巧但云得欲寐曾莫寧
俗尚每恠妄吾

金鳳花
言誰見聽

金鳳花

花有金鳳為小叢秋色已深方盛發英英秀質實具體
文采爛然無少缺纖空翩翩翠影動紅白紛亂如點纈
誰云脆弱易飄墮自卯至翼亦數月美人形相欲摹畫
巧不得施暫自拙鋪茸剪綵轉難似只把長條恣穿結
眼前草木盡零落憐爾開於此時節常開恰如小兒花
性命所繫不忍折君不見昨夜雨今朝風一隊驚飛返

丹穴

亭前高栢

石田磽磽地力燥誰種雙栢已高大長材夭矯堪巨棟
老頂縈紆若層蓋雪下孔翠寒不起風中笙篴清可愛
菟絲幸好求女蘿莫倚纖柔欲無賴

凌霄附栢

古栢蒼蒼高入雲凌霄萬朶擁其身有如巨君染鬚髮
新娶杜陵佳麗人

謝黃森惠詩并草書

黃蘭溪

南柳黃夫子生平氣凜然吟詩舊有癖
寫字近方顛可惜空山老須為後世傳
蘭溪修禊否願續永和年

東齋悶書

讀書已無效何用轉勞苦閒齋幸無事
日共古人語古人議論好善惡皆有補
舍此欲奚為惟應睡滿午

寒食感事呈同官

三月八日值寒食陰霾蔽空不肯收
北園花木殊未動

到處哭雨惟鳴鳩
吾曹可憐愛薄宦
甘此寂寞來山州
酒肴有無更莫問
逢遇相與清談休

惜杏

北園山杏皆高株
新枝放花如點酥
早來其間有啼鳥
兒女盡識名提壺
急教取酒對之飲
滿頭亂插紅糝糊
可憐後日再來此
定見隨風如錦鋪

讀蔣都官畫像記

蔣為永康軍判官
甲午之亂死於賊

聞昔妖氛滿巴蜀
所臨州縣偃如風
其城陷者盡從賊

以義死之惟有公節與岷山高莫敵名隨卓水注無窮
蘭臺秉筆今誰氏舍此何由壯史功

題黎公照序訓堂

常愛三峨臨古郡君之別業在其城近營大第當高處
更起新堂立美名滿外江山皆秀絕入中文史自縱橫
如何置得烏尤住相與談經過此生

朝陽亭

我我乎守居已與前峯對朝陽乃危榭更在守居外煙

雲一川滿林麓三山會近檻有胡牀無忘傲公退

觀風閣

危閣覆高林晚步聊從倚東南兩峰斷空闊見萬里茫
茫落霞外冉冉孤煙裏忽暗識歸雲乍明知積水風從
半天下月向平地起夜久殊未還我冠露盈几

山池

偏側蒼苔地孤邪白石池數枝紅菡萏幾尺碧漣漪魚
鱉爭香餌兒童簇釣絲愛來芳蔭下每日日西時

憶西湖舊遊

西湖晴碧晚溶溶與客常來坐好風
記得有人歌小玉
月明猶在畫船中

再送師厚

久使西南此召還鹿頭東去漸雲山
莫嫌策馬經燒棧
正好題詩到散關
財利文書猶絡繹
邊防田地已朱殷
奇謀不吐將何用
況是歸臨咫尺顏

平雲閣觀雨

黑雲漆天雷破地風卷雷射雨傾瀉噴崖倒壑恣顛蕩
咫尺不可辨牛馬鷄豚已見逐高浪禾稻應須沒平野
莫言魚鼈走堂廚且看泥沙漫屋瓦

不雨

陵陽官居遇久旱發喘渾如起新病已驚赤日晨可畏
更恨炎風午尤盛徒嗟禾黍盡焦落無奈蠅蚋轉豪橫
安得神龍駕九霄大霖滿傾如倒井

久雨

寒鳩劬屋上鳴欲使此雨何時晴
山中有客抱幽鬱
日日起望東方明
今朝晚霞發光焰
喜極再拜當西楹
須臾雲陰又蒙沒
遣我涕淚流沾纓

山園

久雨無所適新晴步山園
西風滿高林敗葉驚已翻
時節急如此世事安可論
夜歸燈下吟寒蟲伴幽喧

石泉

巖巖聳石壁折穴中流泉
斷崖散激激曲竇藏涓涓
蓄

潤活古蘚蒸虛發晴煙時懷一勺惠使我心冷然

史少訥見許江豚未得以詩戲

霜重水落岸有冰江豚乘寒弄晴日搖波拍浪乍羣起
尾厚喙長髻鬣赤魚人清曉橫巨舟一舉大網凡數頭
想君盤飭已厭足何不畧遣來陵州

北園梨花

寒食北園春已深梨花滿枝雪圍遍清香每向風外得
秀艷應難月中見苦嫌桃李共妖冶多謝松篁相葱蒨

黃鸝紫燕莫過從時有一聲拖白練

華山二首

崑頭漠漠衛卿雲谷口紛紛張楷霧
安得鉤梯上石龜
欲看明星洗頭處

其二

石蓮我我橫紫霄中瀉萬丈銀河水
安得大箭長八尺
欲與天神博於此

黃崖洞

黃崖大洞埋古雲入去所履平如席其中玉髓盡可食
只恐歸來變為石

師魯推官惠甘蔗戲謝

滿節甘滋滲齒寒醍醐誰與釀琅玕不知佳境何時入
試似前人取倒飡

寄呈溫江安寺丞

高崖古驛荒涼甚過客何嘗住久之獨有門邊君寫處
每來無不讀多時

嘲任昉

幸自文章亦可憐
不消一事已為賢
何如却逐虫兒去
忍恥更來王亮前

袁術

四代司空倚世勞
可嗟不肖事姦豪
妄云名字與讖合
真欲起應當塗高

偶成

僻陋為州恥不才
偃然空見兩星回
祇應歸舉謠言日

三府諸君口盡枚

即事

公禮欲下格具觀人所存須知范孟博豈肯伏陳蕃

薄命女


夭夭東鄰妹艷色如春柔去嫁不得偶羅衣空自羞輕
埃掩菱花不分鉛華休回首視庸奴寂寞還卷收

子平寄惠希夷陳先生服唐福山藥方因戲作

雜言謝之

蜀江之東山色盡如赭。有道人云。此是丹砂伏其下。煙雲光潤。若洗濯澗谷玲瓏。如刻畫。我聞神仙草藥不在凡土。生是中。當有靈苗異卉之根莖。果然人言所出。山芋爲第一。西南諸郡有者。皆虛名。就中唐福衆稱賞。肥實甘香。天所養。有時崑頭倒垂三尺。壯士臂忽然洞口直舉一合。仙人掌土人入冬農事閒。千篝萬鐻來此山。可憐所鬻不甚貴。著價卽售。曾不慳。往年子瞻爲余說。言君所部之內。此物尤奇絕。後復寄書勸我當餌之。滿

紙親題華嶽先生訣予因購之不惜錢依方服餌將二
年其功神聖久乃覺筋牢體溢支節堅自問丹霄幾時
上早生兩翅教高颺塵世如絮不可居待看鴻濛對雲
將



丹淵集卷十二